



UNIVERSITÄTS-
BIBLIOTHEK
PADERBORN

**Disquisitio Critica In Georgii Christophori Neller Jcti
Trevirensis De Tribus Episcopis, S. Petri Etiamnum
Viventis In Romana Cathedra Successoribus, Systema
Novum, Uti Et Primatum Pontificium S. ...**

Berg, Hyacinth

Coloniæ Agrippinæ, 1772

Prooemium.

[urn:nbn:de:hbz:466:1-61433](https://nbn-resolving.org/urn:nbn:de:hbz:466:1-61433)



PROOEMIUM.



In exercitio juridico a. c. ad diem 2. Aprilis, quod subit
AUGUSTÆ TREVIORUM *Defendens*
JOANNES BAPTISTA MICHAEL
HETZRODT *Confluus, Praefide* VIRO
CLARISSIMO GEORGIO CHRISTOPHORO
NELLER *J. U. D.*, SACRORUM CANONUM PRO-
FESSORE, AC FACULTATIS JURIDICÆ SENIORE &c.
parte pagellarum ultima post praemissas varias vario ex Jure positiones
HISTORICUM *adparet (sic enim inscriptio fert) de S. CLEMEN-*

A 2

TE

TE I. Papa ad Can. I. VIII. q. I. παραδοξον, ut postea liquebit, vel παραδοξοτατον rectius appellavero: cujus ex parte, quantumque ad rem meam facit, hunc offero conspectum. Paragrapho I. & II. Veterum proponuntur dissidia, quotus Romæ Episcopus fuerit iste S. CLEMENS. Paragrapho III. præponderare videntur tum Scriptores, tum Catalogi, qui S. CLEMENTI quartum locum, five, quod idem, a PETRO tertium tribuunt. Paragrapho IV. producitur citatus Canon, qui assignet secundum; suppositionis tamen (& hoc quidem rectè) arguitur. Verba Canonis ibidem in asterisco producta sic sonant: " Si Petrus, Princeps Apostolorum, ADJUTO-
 " RES sibi adscivit LINUM, & CLETUM; non tamen potesta-
 " tem PONTIFICII, aut solvendi, aut ligandi eis normam tra-
 " didit, sed SUCCESSORI suo S. CLEMENTI, qui Sedem
 " Apostolicam, POST EUM, & potestatem PONTIFICALEM,
 " tradente sibi B. Petro, tenere promeruit. LINUS vero &
 " CLETUS ministrabant exteriora: Princeps autem Apostolo-
 " rum PETRUS verbo, & orationi insistebat." Paragrapho V. Quid verum in Canone esse possit, quid re ipsa falsum, ita decernit: " Li-
 " num, & Cletum fuisse adjutores S. Petri, sino, donec nempe S.
 " Petrus ipse Episcopatum particularem Romæ, juxta generalem Pri-
 " matum Ecclesiæ, gessit. Sed eos mansisse adjutores usque ad
 " mortem suam, falsum est, reclamantibus Patribus, & Catalogis,
 " qui uno ore Successionem enunciant." In consecutione verò pag.
 38. apertius Authoris mentem bisce declarat verbis: " Non retinuit igitur S. Petrus, juxta istud Systema, donec vivere desit, Episcopa-
 tum

" tum Romanum, quem fundavit, primus in ea Cathedra sedens: sed,
 " retento Primatu Apostolatus, nulli adbuendum Ecclesiae affixo, post
 " se Successores in Romana Ecclesia (non in Primatu totius
 " Ecclesiae) habuit Linum, & Cletum utriusque superstes." Parag-
 graphus VI. Inter eos, qui vivo etiamnum PETRO successerint (nempe
 in Romana Ecclesia, non in Primatu) tertium adjungit CLEMEN-
 TEM, quippe qui jam sedere coeperit Romae, dum Ss. Apostoli
 ibidem sustinuerunt Martyrium. Paragraphus VII. Initium Ses-
 sionis propius, quam quod modo est assignatum, deprehendi non posse cre-
 dit. Paragraphus VIII. Incertum pariter, quamdiu S. CLEMENS
 in Romana Cathedra sedens manserit, pronunciat. Paragraphus
 IX. Questionem movet, fueritne saltem S. CLEMENS secundus
 totius Ecclesiae Primas, quia S. PETRO superstes; cum tales
 non fuerint SS. LINUS, & CLETUS, utpote vivente adhuc
 PETRO defuncti Romani Episcopi: neque id pro certo audet
 adstruere. Atque hic sisto, quia, quae Paragraphus X., & sequentes ad-
 versus CAESARIS CARDINALIS BARONII Chronologiam dispu-
 tant, facilius a me praetermitti possunt. Authorem hujus lucubrationis
 eundem habeo, qui SE Thesum PRÆSIDEM inscripsit. Adoptionem
 haec ad minimum prodit inscriptio, ut, sive natura pater sit, sive adoptio-
 ne, suam illam esse negare non possit. Disquiram nunc primo in Systema
 ipsum, prout a VIRO illo CLARISSIMO adornatum, vel potius ar-
 gumenta Systematis, quaeque iis pondus insit, excutiam. Disquiram
 deinde, justane ulla aut verosimilis causa producta fuerit a VIRO

CLARISSIMO, *cur incertum habeat Primatum Pontificium S. CLE-*
MENTIS, qui extra omne dubium verus Romanae urbis Episcopus,
Cathedram etiam illam Divo PETRO superstes tenuisse agnoscitur.
Claudam Epilogo brevi, id simul comprehensura, quis mihi ista in scrip-
tione propositus fuerit finis, quidve observandum censeam VIRO
CLARISSIMO, *si forte calamum adversus me*
acuendum putet.



DISQUI-